



**Broj: A-465/24**

**Sarajevo, 23.10.2024. godine**

Na osnovu člana 6. Zakona o Federalnom tužilaštvu FBiH („Službene novine FBiH“; broj: 42/02 i 19/03), člana 64. stav (1) tačka b) i člana 70. stav (1) i (3) Zakona o javnim nabavkama („Službeni glasnik BiH“, broj: 39/14, 59/22 i 50/24), Zapisnika o pregledu i ocjeni ponuda broj: A-465/24 od 22.10.2024. godine u postupku javne nabavke roba: Kancelarijski namještaj za potrebe Federalnog tužilaštva FBiH, donosi se

## **ODLUKA**

### **o izboru najpovoljnijeg ponuđača za javnu nabavku kancelarijskog namještaja**

#### **I**

Prihvata se preporuka Komisije za javne nabavke broj: A- 465/24 od 22.10.2024.godine i ugovor za nabavku robe: kancelarijski namještaj za potrebe Federalnog tužilaštva FBiH dodjeljuje se ponuđaču **R&S“ d.o.o. Sarajevo, ul. Igmanska bb, Vogošća, ID broj: 4200056290005** za ponudenu cijenu od **11.923,20 KM bez PDV-a.** (najniža cijena tehnički prihvatljive ponude).

#### **II**

Prijedlog Ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.

#### **III**

Izabrani ponuđač je dužan dostaviti dokaze o kvalificiranosti u roku od 5 (pet) dana od dana prijema ove odluke, u skladu sa zahtjevom iz tenderske dokumentacije.

#### **IV**

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

#### **V**

Ova odluka stupa na snagu danom donošenja i objavit će se na web-strani Federalnog tužilaštva FBiH [www.ft-fbih.pravosudje.ba](http://www.ft-fbih.pravosudje.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

## **Obrazloženje**

Glavni federalni tužilac donio je Odluku broj: A-465/24 od 30.08.2024. godine o pokretanju postupka javne nabavke kancelarijskog namještaja za potrebe Federalnog tužilaštva FBiH.

Javna nabavka je provedena putem postupka Konkurentski zahtjev za dostavu ponuda. Konkurentski zahtjev, odnosno tenderska dokumentacija, učinjena je dostupnom svim zainteresovanim ponuđačima, bez naknade, a isti su je mogli preuzeti na portalu Agencije za javne nabavke Bosne i Hercegovine.

Za predmetnu nabavku objavljeno je obavještenje o nabavci na portalu Agencije za javne nabavke broj: 1187-7-1-16/24.

U skladu sa Zakonom o javnim nabavkama, Komisija za provođenje postupka javne nabavke provela je proceduru javne nabavke, obavila javno otvaranje ponuda, sačinila i dostavila Zapisnik o otvaranju ponuda i Zapisnik o pregledu i ocjeni ponuda ponuđačima koji su do utvrđenog dana i sata dostavili svoje ponude na adresu Ugovornog organa, a kako je traženo u Konkuretskom zahtjevu.

Ponuđači koji su blagovremeno dostavili ponude su:

1. „R&S“ d.o.o. Sarajevo, sa ukupnom cijenom od 11.923,20 KM bez PDV;
2. „INTER-COM“ d.o.o. Zenica, sa ukupnom cijenom od 11.975,00 KM bez PDV.

Komisija je na zatvorenoj sjednici dana 22.10.2024. godine izvršila evaluaciju ponuda, te je ustanovljeno da je samo jedna od ukupno dvije pristigle ponude potpuna, odnosno tehnički zadovoljavajuća, te da ispunjava uslove propisane tenderskom dokumentacijom.

Uvidom u ponudu i dostavljene uzorke ponuđača „INTER-COM“ doo Zenica, Komisija je utvrdila da ponuda tog ponuđača nije potpuna, odnosno da ista ne ispunjava uslove propisane tehničkom specifikacijom iz Tenderske dokumentacije.

Naime, navedeni ponuđač nije dostavio uzorke konferencijske stolice koji odgovaraju traženim tehničkim specifikacijama iz tenderske dokumentacije, tačnije ponuđač nije dostavio uzorak konferencijske stolice pod rednim brojem 5. „Konferencijska stolica“ u skladu sa opisom robe-tehničkom specifikacijom, jer je istom traženo da konferencijska stolica, između ostalog, ima: **„sjedeći dio i naslon za leđa su odvojeni...“**, zatim: **„sjedeći dio i naslon za leđa su sa vanjske strane obloženi PVC zaštitom“**, međutim, Komisija je na licu mjesta, neposrednim pregledom, konstatovala da dostavljeni uzorak konferencijske stolice ne posjeduje navedeno. Naime radi se o drugačijem modelu stolice, kojoj sjedeći dio i naslon nisu odvojeni, te stolici koja nema PVC zaštitu sa vanjske strane sjedećeg dijela i naslona za leđa, nego na navedenim dijelovima ima ugrađenu drvenu ploču koja je presvučena crnim kožnim (eko koža) materijalom.

Dakle, ponuđač „INTER-COM“ d.o.o Zenica je postupio suprotno tački 5. Opisa robe-Tehničke specifikacije iz Obrasca cijena ponude (Obrazac prilog 2) tenderske dokumentacije za nabavku kancelarijskog namještaja, zbog čega je ponuda navedenog ponuđača odbačena, u skladu sa članom 68. stav (4) tačka i. Zakona o javnim nabavkama, jer nije potpuna i ne ispunjava zahtjeve iz tenderske dokumentacije.

Istovremeno, Komisija je utvrdila da je ponuđač „R&S“ doo Sarajevo, ul. Igmanska bb, 71320 Vogošća, jedini ponuđač koji je dostavio potpunu, tehnički zadovoljavajuću ponudu koja u cijelosti ispunjava sve zahtjeve iz tenderske dokumentacije.

E- aukcija u predmetnoj javnoj nabavci neće biti provedena iz razloga što je ponuđač „R&S“ doo Sarajevo jedini ponuđač sa ispravnom, potpunom i tehnički zadovoljavajućom ponudom.

U postupku donošenja ove Odluke posebno su cijenjene činjenice da je izabrani Ponuđač dostavio ponudu koja potpuno udovoljava zahtjevu i potrebama Federalnog tužilaštva FBiH, te da ukupna ponudena cijena navedene ponude ne prelazi iznos planirane vrijednosti za predmetnu nabavku.

Imajući u vidu sve navedeno, prihvaćen je prijedlog Komisije za javne nabavke iz Zapisnika o pregledu i ocjeni ponuda, te je odlučeno kao u dispozitivu ove Odluke.

**Pravna pouka:**

Protiv ove Odluke svaki privredni subjekt koji ima interes za dodjelu ugovora o javnoj nabavci (član 97. Zakona o javnim nabavkama) ima pravo izjaviti žalbu u pisanoj formi u dovoljnom broju primjeraka, koji nije manji od tri primjerka, u roku od deset (10) dana od dana prijema ove odluke, Uredu za razmatranje žalbi Bosne i Hercegovine, **putem Federalnog tužilaštva Federacije Bosne i Hercegovine**, u skladu sa članom 99. Zakona.

**GLAVNI FEDERALNI TUŽILAC**  
**Munib Halilović**

**Dostaviti:**

1. R&S d.o.o. Sarajevo;
2. INTER-COM d.o.o. Zenica;
3. Računovodstvo Vrhovnog suda FBiH;
4. Web stranica;
5. U spis